

盧震京著

圖書學大辭典

臺灣商務印書館發行

盧震京著

圖  
書  
學  
大  
辭  
典

臺灣商務印書館發行

中華民國六十年三月修訂臺一版

圖書學大辭典 一冊

定價新臺幣壹佰元

著者 盧 震 京

發行者 臺灣商務印書館股份有限公司

臺北市重慶南路一段三十七號

印刷及發行所 臺灣商務印書館股份有限公司

登記證：內版臺業字第〇一三號

版權所有  
翻印必究

# 王序

南海杜子定友校新義云：「數千年來有爲學之人，而無治書之學。」慨乎書之不治，由來久矣！古之治學者，每於辨章學術，考鏡源流，三致意焉；而於圖書之應用未嘗及也。夫古之藏書，重於典守，今之條分縷晰，部居羣籍者，力求致用也。蓋書不治則散亂，散亂則無以見其效，其欲入寶山而見玉，進書庫而獲益，豈不大難乎哉！

治書之道，不僅在搜集古今中外圖籍，琳瑯排架，蔚爲大觀也；而尤在能以科學方法，整理之，編製之，使之適合於經濟原則，顯其精華，利其活用，則圖書學之爲用因以明矣。

圖書學爲習書治籍之學，一切智識之門徑也；辭典者，羅列專詞，釋意義，詳本末，一事一物，一學一書之必要工具也。故欲明於學者，必守其書；欲守其書者，須得參考之方，而稔其義。則圖書學辭典之成，不僅爲治書之學開一新徑，亦且晰智識於理微，聚學術爲大觀，是此書當見重於世也。

盧子震京，前職掌國府政院及大學圖書館有年，治事任教之餘，本其所學討思申述，暢其本源，復於

經驗所得，露纂雪鈔，勤劬十載，裒然成此九十餘萬言之鉅著。而尤難能者，排刊比較經二寒暑，始問世於頑寇塗炭之日，想見掃蕩兇殘而后，此冊之神益吾國教育文化事業者，豈獨內容精詳而已。是爲序。

民國廿九年元旦王文山序於古渝

## 李序

金陵盧子震京印子國鈺葉子章和俞子寶書，從余治圖書學有年。顧當時所習者，僅圖書學幼稚粗淺基本項目而已。其他從余學者，不僅四子也。或已改操他業，或已專門努力教學。獨四子者，持其所業，堅忍不拔。既任其事矣，閱歷益深，經驗益富。每日行政繁瑣之餘，尤闡精圖書館各方面之學術技能繼續研究探討，不憚發難。歷六寒暑，綜其結果，而成圖書學大辭典一書。夫辭典之製，包羅萬象，應有盡有，所以供檢討，備翻閱也。近世科學進步，學問之途徑範圍日見限制狹窄，而內容日趨精深，資料日趨豐富，故各種學問，無不有其專科辭典。考我國類書，肇自皇覽而後則白孔六帖、初學記、太平御覽、冊府元龜、記纂淵海、圖書編、三才圖會以至於淵鑑類函、古今圖書集成，或便於文學成語之應用，或詳於考證，或長於引用之書，或精於圖表，或重賅括條理之論，或僅供資料之整理，各有所長。今日辭典之書，實倣西洋方法，熔各書優點於一爐，要以便於參考爲目的。今盧印葉俞四子，以圖書學資料，他如圖書館學專門術語，目錄學史，校勘學，版本學，以至書史學，紙印刷術，裝訂術，圖書館史，及各館概況，各項有關之方法，國內藏書家傳略等等，以齋樓館閣之名鉅細靡遺，納入於統一之系統，以名詞或標目第一字之筆劃多寡排列，同一筆劃

者，依點橫直撇屈爲序。檢查便利，此誠推廣圖書館學知識必備之參考也。書成，盧子持鉅帙囑爲之序。古語云：業精於勤，荒於嬉，精勤所以觀成也。四子知所勉乎？行見該書印行，必爲社會所歡迎也。是爲序。

中華民國二十五年十月十八日 李小緣序於南京

## 沈序

圖書浩瀚，觀者望洋，使無適宜之方法分析整理，則其功用莫由彰顯，是無異於沉珠於淵，埋玉於山也。歐美各國，教育發達，科學邁進，推其奏效之原，則以圖書之貢獻極爲偉大，故圖書館之建設，宛若星羅棋佈。各級學校有各級學校之圖書館，各個機關有各個機關之圖書館，通都大邑，商場農村，亦各有其適用之圖書館，甚至軍營之行動，兒童之幼稚，盲啞之殘廢，均設有專用之圖書館，依其環境而供給之，是以無一場所而無圖書館，即無一人而不能利用圖書館也。

圖書館在社會所佔之地位既如此，故爲流通圖書所出之工具書籍，亦日新月異，務期適合人羣閱覽之便利，並使其在參考上有運用裕如之快。如圖書分類，編目，選購，參考，標題，以及經營，行政，管理等，何啻千萬餘種；又如聯合目錄，即聯合各圖書館而推行之，其組織之龐大，不可計量。故擔任圖書編纂工作者，皆盡其生平所得之優良學識，與豐富經驗，而成此有用之工具書籍，以供人士之搜求，此其有功人世，關係教育文化命脈者，豈淺鮮哉？



我國號稱文化之邦，惜於圖書方面，歷代痼疾，祇知保守而不能開放，惟皇室貴族與士大夫階級始有博覽羣書之機會，平民無與焉。夫圖書之限制有如是，則教育自無從普遍，因此學術上亦少有競爭之念，則所謂能讀書之人，不免養成驕奢之氣，而其研究之學問，多屬空泛，無補實際，清談誤國，已爲一般學子之通病矣，可勝嘆哉。

至清末葉，鑒於歐美圖書事業，有促進教育文化普及之力，有啓發人羣智識之功，有潛移默化國家民族至優秀之地步，並收致富致強之實效，故人羣維護其發展，若其生命然。於是我國人借鏡攻錯，乃於教育革新之際，設法開放圖書，而先後都市省會之現代圖書館應運而生矣。嘗思當時最大之困難，不在圖書之羅致，而在缺乏工具書籍，無所憑藉，此圖書館界同仁所深知，而羣起急謀編纂之事功也。

邇者盧君震京編成圖書學大辭典一書，向榮索序，榮思圖書事業在歐美發揚之速，而惜我國進步之遲，故於感慨之中，拉雜陳述。至於盧君成功此書之價值，與出版之貢獻，就榮親感所得，介紹於下：

（一）盧君生平，敏而好學者也。尤於圖書事業之興趣倍致濃厚，此書係積多年之經驗，盧君前職掌行政院圖書館時，就其見聞淵博之機會，卽留意搜集材料，後於任教之餘，又念茲在茲，無時或懈，成此鉅

製，非一朝一夕也。

(二)書之內容，凡九十餘萬言，搜羅宏富，材料精確，又附表二十四種，有按圖索驥之便，可見編者用心良苦。唯冀各文化機關與文人士子，對於此書之功用，盡量傳播，使知利用參考書籍，有增進學識豐滿之偉大力量。

(三)圖書工具書籍，近十餘年來，因其需要之殷，故編譯時出，約近百種，各有其一部份之貢獻。茲者圖書學大辭典告成，是為致力於圖書事業者，又增一生力軍矣。

噫，此書成於文化浩劫之時也！一旦櫟槍淨掃，大局救平，國家各項事業在在急待恢復，而有關教育文化之圖書，其恢復必不容刻緩，則此一部工具書籍，所發生之效用，勿俟贅言矣。

中華民國二十八年九月中浣沈祖榮謹序

## 洪序

圖書之爲學，始於晚近，從事圖書館事業者，於各科爲後起，而實綜合萬有爲治學之門徑。昔張文襄憫學者治學之無從，爲書目答問若干卷以導之，舉綱列目，士林稱便，顧其書惟限於圖書館學，放之今日固不足以爲準，又非獨簡陋之足病也。有豐往以圖書館學講肄南北，復久主大學圖書館，從遊之士每患其廣闊複雜，思得一線索以貫串之，如所謂辭典者可以坐收事半功倍之効也。盧子震京爲吾友劉衡如李小綠二先生高弟，往在金陵大學專治圖書館，極有心得，既卒業，主持國府暨行政院立法院各圖書館，亦既有年，嘗致力於編纂，自十八年秋與其友印國鈺俞寶一葉章和諸君乃草訂圖書館學大辭典凡百萬言，蓋數歷寒暑，沈潛孟晉，頗不欲人知之也。比以全稿見示，有豐讀之，覺鼓舞而起，是多年爲吾曹殷殷期望者，至是始實現，又不獨非張氏書目答問所可企及已也。書成，索序於余，有豐夙多君之識與其勤，於是書又何敢以不文辭也。是爲序。

中華民國二十五年六月洪有豐

## 秦序

往者藏書之家專重典守，琳瑯插架，研究版本，徒眩搜羅之富，無裨治書之功。蓋四部灝瀚，非條分縷析，按目部居，以科學之方法，定管理之準繩，則不足便翻檢而致實用，然則圖書之學尙矣。是以列爲專科，授於學府，典司學子頗多發明，顧其說散見於羣籍，其辭或創於一人，爲之排比整理，解釋意義，徵引本末，以爲檢査研究之助，則有待於辭典者也。盧君震京精研斯學，典司圖籍亦既有年，爰本所得廣爲探討，繁者削之，略者增之，既賅既備，成圖書學大辭典一書，九十餘萬言，實煌煌之鉅觀，絕好之參考書也。

中華民國二十八年十二月秦汾序於渝上

## 陳序

竊嘗謂時至今日，學科之分類愈繁，士子以專攻而益精。然每見有終日孜孜於一種專門科學之一部或一方面而尚未克有赫赫之貢獻者，固因研究方法之不善，而工具之缺乏，實爲其主因焉。

夫顯微鏡爲治生物學者所必辦工具之一，望遠鏡爲攻天文學者所必備工具之一，推而至於其他各科之研究，亦均莫不有恃於工具，以竟其專注之探討，俾獲有成。然非純粹之試驗科學，則以類書或辭典爲供參考最要之利器。所謂圖書學者，自當亦如是也。

圖書學者，古之所謂目錄學也。惟就圖書學而論，其範圍至廣，舉凡校讎、書史、版本、目錄、書業、印刷、裝訂等項，靡不賅括，故總名之爲圖書學，實較目錄學爲宜。同學盧君震京等，以其範圍既如此其廣泛，故亟須供參閱之工具，乃本其毅力，博考羣籍，編輯圖書學大辭典，並就正於專家，爲期六載，方底於成，其用心亦良苦矣！

此著爲古今文獻類典之一大圖書館，凡屬圖書學原理及方法諸端，與夫有關圖書之各項學術，無不旁徵博引，詳爲參證，內容之充實，恐無出其右者。至若附表之列入，尤爲實用。圖書館備之，可藉以促進

其事功；從事於圖書館手之，可藉以增進其專業之學識與技能；卽致力於其他學科之人士，亦靡不有參證此書之價值焉。以盧君等之學識及經驗，對於圖書館學未來之貢獻，自必層見疊出，此余不得不預爲禱祝者也。是爲序。

中華民國二十五年五月陳長偉

## 蔣序

學術者，考究知識之事也。知識無體無象，淵博無垠，而託形於文辭。蓋不假言詮，則無由闡解發明。是故文以載道，書以傳世。昔人云「學之不專者，爲書之不明也。」又云「有專門之學，則有專門之書。」歷世逾久，著作日繁，專門之書亦如淵海，於是有辭典之作，以便檢索。辭典者，臚舉辭義，一事一物，必詳其原委，析整體爲微末，聚鱗爪爲大國，知識因以明，學術因以見，固尙不僅爲學人案頭之錦囊也。

盧君震京，治目錄圖書之學有年，當世好學士也。頃以書來述所著圖書學大辭典之大凡，知盧君於是書，露鈔雪纂，辛勤十載，植字製版，又歷兩年，凡目錄學，圖書館學，校讎學，及其所關聯之印刷裝訂等術，均詳有敘述，附錄書目表譜二十四種，皆有裨於實用。全書不下九十六萬言，一稟然鉅製也。

是書出版，在盧君固爲創獲，在斯學亦未始非一重要之事實。蓋就余所知者，則僅十年前日本間宮不二雄著有圖書館辭典，然具體而微，讀者憾之。一九三二年余遊德之 Stettin 市，識其市立圖書館長 Erwin Ackerknecht 博士，見其所著民衆圖書館辭典稿。博士爲德國民衆圖書館之權威者，著作甚富，

而虛懷若谷，殷殷與余商榷，繼且數通函問，皆有關該書。時稿已大體寫定，固在排比較對之中，然及今已逾八載，未見問世。因以見著書之不可苟簡，亦以見斯學之非小道而可率爾操觚者也。盧君用力勤劬，成斯宏著，其有裨益於圖書館界，良非淺鮮，故樂爲之序焉。

蔣復璁謹序。



## 滕序

盧君震京，治圖書學，用力專篤，往余任教金陵大學，即見盧君受李小緣先生劉衡如先生之指導，兢兢其業，心甚嘉之。民國二十三年，余服務行政院，奉派兼領編譯事務，審院中圖書典藏，凌亂失序，未能予同人以參閱之便，爰思加以整理，適盧君爲立法院暨國民政府文官處整理圖書館初告完成，聲績力著，亟延聘來院，襄助計劃，兼委以技術設施之全責，不半載而矩矱一新，於是知盧君不第劬於學，且敏於事也。盧君公暇，又好著述，積數年之功力，成圖書學大辭典一鉅帙，凡圖書學之原理，方法，歷史，行政，中外各著名圖書館之組織設備，甄錄靡遺，即與圖書館有關之各種學術，如校讎，書史，目錄，版本諸學，讀書方法，書業演進，印刷裝訂之技術，亦包羅殆盡，洋洋乎可謂圖書學之圖書館也。吾國今日，圖書館事業之推廣，爲普及教育發展科學之基本工作，欲求此項工作之完成，必待圖書學知識之普遍與孟晉，盧君此著，實足適應時代迫切之要求，不徒便於肄習圖書館之學人參考已也。

民國二十五年七月滕固